

# Txirritola

ARAMAIO / Barikua / 2004ko apirilaren 30a / 106. zenbakia

KOORDINATZAILEA: Ubane Madera • Otolara Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com • Lege gordailua: SS.1084/02

## Bañera Kirol Elkarteak desagertzeko zorian dago

UBANE MADERA

**Bañera Kirol Elkartearen etorkizuna zalantzan dago. Izan ere, elkarteak zuzendari-tzako bi kideek iragarri dute aurten utzi egin behar dutela elkartearen egiten duten lana.**

Denboraldia bukatzeaz dagoela eta, Bañera elkarteak zuzendari Josu Bideburu eta Alfonso del Campok jakinarazi dute aurten utzi egingo dutela taldea. "Elkar-teak aurrera egiteko lehenbailehen hartu beharko du norbaitek ardura. Datorren denboraldira-ko entrenatzaileak izendatu, fitxak egin... Hori guztia orain egin beharra dago. Horregatik jakinarazi dugu orain gure erabakia".

### ARRAZOIA: NEKEA

Erabaki horren arrazoiaren gainean zera diote: "Nekatuta gaudete. Beti hiru lagun bakarrik ibili gara. Gainera, elkarteaz arduratzeaz gain, denetik egin behar izan dugu: burokrasia kontuak, taldea entrenatu (Josuk), partiduren bat jokatu jokalaririk ez zegoelako (Alfonsok)... Eta azken urteotan bi lagun geratu gara guztiaren ardurarekin, Alberto Ibabek taldea utzi zuten eta". Elkarteak aurrera egin dezan nahi dute, baina, era berean, badakite Bañera desagertzeko arriskuan dagoela. "Hemen inork ez du sartu nahi izan sekula. Hori bai, guk gauzak ikusteko modu jakina dugu, eta askotan jendea ez da gurekin ados egon. Hala, orain gu ez gaudela, akaso orain arte animatu ez den norbait animatuko da. Ea horrela den. Dena dela, beldur handia dugu, Aramaion kirol talde asko desagertu izan direlako: saskibaloikoa, txirrindulariarena, pilota justu-justu dabil... Bañerari dagokionez, jendeak konturatu egin beharko luke urte luzez herriarendako ona den zerbait egin dela, eta horrek jarraitu egin behar duela. Hori da garrantzitsua".

### HAMAR URTE BAINO GEHIAGO LANEAN

Orain dela 13 urte jaio zen Bañera Kirol Elkarteak, 1991ko martxoaren 6an. Eskolan, futboleko ibiltzen zen mutiko talde bat gidaritzara barik geratu zen. Josu Bideburuk entrenatu egiten zituen eta Alfonso del Campo kiroldegian



Hamahiru urtean arduratu dira Alfonso del Campo eta Josu Bideburu Bañerarekin.

*Bañerako bazkide guztiei zuzenean jakinaraziko diete hartu duten erabakia*

zebilan lanean. Alberto Ibabek ere erakutsi zuten mutikoen arteko interesa. Hala, hiruren artean haien gidaritzara hartu, taldea sortu eta gurasoen elkarteak emandako dirulaguntzarekin, Bañerako aurreneko taldea jaio zen. "Herrian zerbait egin nahi zuten jendea zegoela ikusita, haiei aukera eman nahi genien. Hala, ikusita herrian futbola nahiago zutela baina futbol zelairik ez zegoela, kiroldegia aprobetxatu eta hala hasi ginen, talde bakarrarekin, Kopa Txapelketan. Hurrengo urtean, talde berarekin segitu genuen, baina ligan eta kopan. Eta hirugarren urtetik aurrera bi talde izan genituen". Urte luzez senior mailakoekin ibili dira Bañerakoak. Eta haien taldea desegin zenean, eskolako umeekin hasi ziren, batzuetan talde bakarrarekin eta bestetan gehiagorekin.

Elkartearen diru beharrari aurre egiteko zozketak egiten hasi

*Espero dute maiatzaren 31 baino lehen norbaitek hartzea taldearen ardura*

ziren, eta gero bazkideak egin zituzten. Eta zenbait babesle ere erakarri zituzten. Gaur egun, 30 babesle eta 70 bat bazkide dituzte. Taldeei dagokienez, mutilen talde bat eta nesken beste bat dituzte.

### GAUZA ASKOREN FALTA IGARRI

Orokorrean, denetik falta izan zaiela diote Bañerako arduradunek: "Behin baino gehiagotan zortzi lagunekin egin izan dugu taldea; hala, lesioak zeudenean, azterketak, edo mutikoren bat ez zenean etortzen, arazoak izaten genituen partiduetara joateko. Gainera, mutikoak futboleko txarrak izan edo ez, berdina da, sekula ez dugu inor kanpoan utzi". Edozelan ere, askotan gazteen eta, bereziki, haien gurasoen konpromiso falta igarri dute Bañerakoak: "Azken urteotan, batez ere, eskolakoekin kirol arazo handiak izan ditugu. Umezaintza zerbaitzua zirudien honek".

## Manex Agirre hirugarren, bertso txapelketan

UBANE MADERA

**Asier Otamendi gasteiztarrak jantzi du txapela Arabako aurtengo bertsolari txapelketan. Oihane Perea eta bera pasa ziren bigarren fasera. Manex Agirrerri dagokionez, poto bat egin zuen eta bukatze-ara batek ihes egin zion. Horrek puntuak kendu zizkion, baina bestela saio polita egin zuen.**

Honela geratu zen sailkapena joan den domekako saioaren ondoren: Asier Otamendi (483,5 puntu), Oihane Perea (457 puntu), Manex Agirre (297 puntu), Juan Mari Juaristi (289 puntu), Iñaki Viñaspre (267,5 puntu) eta Ruben Sanchez (255 puntu). Iazko txapelkun Zigor Enbeitak eta Arabako Bertsozale Elkarteak lehendakariak jantzi zion txapela Asier Otamendiri.

Arabako Bertsozale Elkartearen arabera, "ez zen izan bertsolarietako egin nahi zuten adinako saioa, baina hala ere, entzuleak gustura atera ziren Printzipal

Oihane Perea:  
*Maitasuna hemen bazenun baina egin duzu gauza txarrik zure andrea etxean preso utzi duzu ta bakarrik baina saskira begira nago txiki ez egin negarrik zu ikusita ez dudalako haserretzeko indarrik*

antzokitik". Horren gainean ere berba egin digu Manex Agirrek: "Uste baino saio eskasagoa egin dugu. Bertsolari guztiak ibili gara gure mailatik behera. Gogoan gogoratu, baina... Penatuta ateraginen, egindako saioetatik. Gainera, kanpoko jende asko etorri zen gure bertsoak entzuteko: Bizkaitik, Nafarroatik... Datorren urtean saio hobea egingo dugu, seguru".

### POTO EGIN ETA KANPORA

Edozelan ere, Manex Agirrek gaineratu digu orokorrean gustura geratu dela egindako lanarekin. Kontatu digu poto egin zuela eta ondorioz, bertso hura oso txarto atera zitzaioela, ia ez ziotela punturik eman: "Badakizu, bertso bat gutxiago egiten baduzu, kalera".

Bertsozale elkarteak dio, bereziki, zortziko nagusian ibili zela ondo Manex Agirre. Oihane Perea-ekin tokatu zitzaion. Senar-emazte zirela eta etxeko atarian ume bat utzi ziotela, *Ezin dut gehiago. Zurea ere bada oharrrarekin. Hona hemen bertsoak:*

Manex Agirre:  
*Bizitza dena pasatu dugu haurtxo baten afanean eta etsi ere egin genuen zuk eta nik azkenean baina orain ezin gara jarri hau ez hartzeko planean barruan zerbait puskatzen baitzait begiratzen dudanean*



Manex Agirrek eta gainerako bertsolarietako uste baino saio eskasagoa egin zuten.

## TELEFONO JAKINGARRIAK

### OSASUNA / LARRIALDIAK

Osasun etxea (txandak)	945 44 53 40
Botika	945 44 50 03
Udaletxea	945 44 50 16
Ertzaintza (Arrasate)	943 79 71 99
Gurutze Gorria (Legutio)	945 45 52 52
San Martin Eskola	945 44 50 04
Taxia eta autobusak	945 44 50 33
Udal Kirolegia	945 44 53 35
Postetxea	945 44 50 83
Zulako Eskualdea	945 43 01 67
Suhiltzaleak (Zubillaga)	943 78 28 00

## AUTOBUSORDUTEGIA

ARRASATE	ARAMAIO	GASTEIZ
07:00	07:15	08:00
10:00*	10:15	
11:00	11:15	
12:00*	12:15*	13:00
15:15	15:30	16:15
17:20	17:35	
18:30*	18:45	
20:30	20:45	21:25
21:00*	21:15	

  

GASTEIZ	ARAMAIO	ARRASATE
	07:50	08:05
08:15	09:00	09:15
	10:15*	10:30
	11:15	11:30
13:10	13:55	14:10
16:20	17:05	17:20
	17:35	17:50
	18:45*	19:00
19:30	20:00	20:15

**OHARRA:** izartxoaren duten orduetan eskaeraren arabera zerbitzua eskaintzen dute. Auzoetako bizilagunei zuzendutakoa da, eta autobusa erabili gura badute, bezperan deitu beharko dute honako zenbaki honetara: 629 54 59 23

## OHARRAK

### DOMEKAKO ZINEMA

Oraingo honetan *X-Men II* zientzia-fikziozko filma emango dute.

### BERTSO-SAIOA

Abetxukon II. Bertso Txapelketa jokatu dute bihar, zapatua. Honako bertsolariak jardungo dute —tartean bi aramaioar ere badira—: Jokin Labaien, Andere Arriolabengoa, Iker Agirre, Irati Anda, Amaia Altube eta Iñaki Viñasprek. Oihane Perea ibiliko da gaitzartzaile.

### OSOKO BILKURA

San Prudentzio izan dela eta, martitzenean egin zuen osoko bilkura udalbatzararak. Landu beharreko gaien artean, besteak beste, parkeetan konponketak eta egiteko dirulaguntzak eskatzea aztertu zuten, eta baita Osakidetzari ambulatorioa konpontzeko dirulaguntza eskatzea ere. Horrez gainera, besteak beste, eguneko zentrora joateko garraioarekin dauden arazoak gainera ere berba egin zuten zinegotziek. Gai hori konpontzeko zer neurri hartu erabakitzea zen helburua.



AITOR LIZARRALDE

Elizan bertan egin zuten kontzertua omenaldian parte hartu zuten abesbatzek.

## Bizente Goikoetxearen doinuak bizirik domekan

UBANE MADERA

**Herritar dezentek bat egin zuen domekan Bizente Goikoetxea musikariaren omeneko ekitaldian. Besteak beste, meza berezia esan zuen Arabako gotzainak San Martin parrokan. Eta Goikoetxearen omeneko plaka ipini zuten elizpean, musikari erlijiosoaren argazki eta guzti.**

Herritarrekin batera, Arabako Foru Aldundiko eta Aramaioko Udaleko ordezkariak ere parte

hartu zuen Bizente Goikoetxearen urteurreneko ekitaldian.

Baina, jakina, protagonismoa handiena abesbatzek izan zuten. Mezaren ostean egin zuten kontzertua Bizente Goikoetxea eta Araba abesbatzek, Sabin Salaberriaren organo doinuek lagunduta. Valladolideko abesbatzak ere parte hartu behar zuen ekitaldian, baina, ezbehar latz baten ondorioz, ez zen Aramaiora etorri.

Kontuak kontu, domekan gogora ekarri zuten Bizente Goikoetxea musikari erlijioso eta haren lan garrantzitsua.

## Aurten ez da izango Sagardogileen Egundik

UBANE MADERA

**Joan den urtean ia ez zela sagarrik egon-eta, aurten ez dute Sagardogileen Egundik egingo. Hala jakinarazi digu Txirritola Euskara Elkarteak. Edozelan ere, aurrera begira, egun hori ospatzen jarraitzeko asmoa dutela gaineratu du elkarteak. Hala, datorren urterako egin dute hitzordua.**

Eguaztenean, hilak 28, Arabako zaindari San Prudentzioren eguna izan zen. Azken urteotan moduan, data hori kontuan hartu eta Txirritola Euskara Elkarteak aurtengo Sagardogileen Eguna maiatzaren 8an egitea pentsatuta zuten. Orain, aldiz, jakinarazi digute aurten ezin izango dutela Sagardogileen Egundik ospatu.

### SAGARDOA EGITEA DA HELBURUA

Txirritola elkarteak Mikel Arantzabalek argitu digunez, joan den urtea oso txarra izan zen sagarrendako, egin zuen sikatearen ondorioz. Hala, Aramaion hiru baserriak bakarrik egin zuten

sagardoa. Egoera hori dela eta, Txirritolakoek pentsatu zuten kanpotik ekartzea Sagardogileen Egunerako sagardoa. Baina gero atzera bota zuten erabakia: "Ospakizun horren helburua da herritarrek sagardoa egiten jarraitzea; hortaz, sagardoa kanpotik ekarri gero ez litzateke helburu hori beteko. Hortaz, erabaki genuen ez egitea Sagardogileen Egundik. Orain, gure asmoa da herritarrek informatzea. Izan ere, aramaioarrek oso ondo hartu izan dute ospakizun hori".

### HITZORDUA, DATORREN URTEAN

Edozelan ere, datorren urteari begira Sagardogileen Eguna antolatzen segitzeko asmo sendoa du Txirritola Euskara Elkarteak. "Baserriak guztiakin berbetan izan gara, banan-banan; eurekin harreman zuzena dugu. Hala, dagoeneko datorren urterako hitzordua egin dugu eurekin, Sagardogileen Eguna ospatzeko. Eta, horren harira, Txirritola elkartearen izenean baserriarrei eskerrak ematea gurako nuke, oso harreman ona dugu-eta haiekin".

## Herritarren Zerrenda osatzeko sinadura bilketa

UBANE MADERA

**Gainerako herrietan moduan, Aramaion ere sinadurak batuko dituzte datozen egunotan. Helburua da Europako hauteskundeetan parte hartzeko taldea osatzea. Herritarren Zerrenda (HZ) izena ipini diote taldeari. Horren alde sinatu nahi duenak maiatzaren 8ra arteko epea dauka.**

Europako parlamenturako hauteskundeak izango dira datorren ekainaren 13an. Horrekin lotuta, oraingo astean, udaletxepean ikusgai izan da hauteskunde horietan bozkatu dezaketen herritarren errolda, akatsik balego haiek zuzentzeko.

Orain, berriz, hauteskunde horietan parte hartzeko zerrenda osatu nahi dute zenbaitek. Baina, hori lortzeko 40.000 sinadura batu behar dituzte, Euskal Herrian.

Hala, ia herri guztietan dago zerrenda horren alde sinatzeko

aukera. Aramaion, martitzenean eraman zituzten sinatu beharreko paperak udaletxera, eta atzo, eguna zabaldu zuten sinadurak emateko epea. hAMAlau taldeak jakinarazi digunez, datorren maiatzaren 8ra arteko epea izango da horretarako. Orduetgia honako hau da: 08:00etatik 15:30era, egunero, jaiegunak izan ezik. Maiatzaren 5ean, eguaztena, 17:30ak arte. Udaletxeko aurreneko solairura joan beharra dago. Eta sinatzeko, nortasun agiria eramatea besterik ez da behar.

### HAMALAUERKIN MODUAN

Aramaioko hAMAlau taldeak esan digu lehenago ere AUB eta hAMAlau taldeak sortzeko egin zuten prozesu bera dela oraingoa. Zera ere gaineratu dute: "Euskal Herriak bertan egon behar du nazio bezala, eta horretarako osatuko dugu Herritarren Zerrenda". Talde horren leloa da *Euskal Herria libre mugarik gabe European*.

## LABUR

### Aurtengo udalekueetan jarduteko begiraleak behar ditu Aramaioko Udalak

Udalak jakinarazi duenez, datorren uztailean antolatuko dituen udalekueetarako begiraleak behar ditu. Begirale izateko derri-gorrezkoa izango da 17 urtetik gora izatea. Bestalde, honako ezau-garri hauek baloratuko dituzte: begirale titulua edo maisu-maistra ikasketak izatea, euskarazko EGA titulua izatea, umeekin esperientzia izatea eta Aramaiokoa izatea. Interesa duenak datorren maiatzaren 21a baino lehen eman beharko du izena, udaletxean bertan edo ludotekan.

### Orixol Mendi Elkarteak antolatutako irteera izango da maiatzaren 15ean eta 16an

Orixolek Hondarribira txangoa antolatu du maiatzaren 15erako eta 16rako. Honako egitaraua izango dute: 09:00etan, autobus geltokitik atera; 10:30ean, aterpetxean motxilak utzi; 11:00etan, Jaizkibelera igo eta inguruan bazkaldu. Gero afaldu eta lo, aterpetxean. Hurrengo egunean, gosaldu ostean, Abadiako natur erreserbara ibilaldia egingo dute, eta gero, aterpetxean bazkalduko dute. 19:00etan itzuliko dira herrira. Txangora joateko maiatzaren 3a baino lehen eman behar da izena, eskolan, liburutegian edo kiroldegian.

### Itur Zuri Emakume Elkarteak Iparraldera joateko bidaia antolatu du

Emakumeei zuzendutako bidaia da Itur Zurik antolatu duena. Datorren maiatzaren 29an eta 30ean joango dira Iparraldera. Asmoa da honako lekuak ikustea: Hendaia, Donibane Lohizune, Biarritz, Baiona eta Angelu. Izena emateko azkeneko eguna maiatzaren 16a da. Betiko lekueetan izango dira izena emateko zerrendak: liburutegian, zenbait dendatan, tabernetan...

### Pentsiodunendako bidaietarako izena emateko epea bukatzeaz dago

Penintsulara, Balearretara, Kanarietara, Portugalera, kultur zirkuituetara joateko edo natur turismoa egiteko aukera dute pentsiodunek. Eskaintza hori 65 urtetik gorakoendako da, baina 60 urte beteta duenak ere parte har dezake, betiere, pentsioen sistema publikoan badago. Bidaietako bat eskatzeko epea maiatzaren 14an bukatuko da, eskabide berriak egin behar dituztenendako.